



01  
2235  
P.A. 0

Broj: 13-03/2-32-32189/23  
Sarajevo, 10.07.2023. godine

**KANTON SARAJEVO**  
**SKUPŠTINA KANTONA SARAJEVO**  
N/r Predsjedavajući Skupštine Kantona Sarajevo  
G-din Elvedin Okerić

**Predmet:** Odgovor, dostavlja se

Veza: Vaš akt broj: 01-04-24618-27/23 od 30.05.2023. godine

Veza: Vaš akt broj: 01-04-24618-3/23 od 30.05.2023. godine

Poštovani,

Dana 05.07.2023. godine u Sektoru za socijalnu politiku - Odjeljenje za raseljena lica, povratak i repatrijaciju zaprimljen je akt, dostavljen od lica za koordinaciju odgovora na zastupnička pitanja i inicijative u Ministarstvu za rad, socijalnu politiku, raseljena lica i izbjeglice Kantona Sarajevo, kojim se traži da u okviru iz nadležnosti Odjeljenja tretiramo zastupničko pitanje i inicijativu sa Osme Radne sjednice Skupštine Kantona Sarajevo, održane 30.05.2023. godine upućene od strane zastupnika Damira Marjanovića i zastupnice Marijele Hašimbegović.

Postupajući po aktu broj: 01-04-24618-27/23 od 30.05.2023. godine dostavljenom od Predsjedavajućeg Skupštine Kantona Sarajevo, a koji se odnosi na zastupničko pitanje zastupnika Damira Marjanovića:

*"Molim Vas da nam pružite informacije šta Vlada Kantona Sarajevo i resorno ministarstvo čine i šta planira da u budućnosti uradi, da bi nakon skoro 30 godina riješila problem interno raseljenih lica ("izbjeglice u rodnom gradu") koji i dalje žive u privremenom, a često i u neuslovnim kolektivnim smještajima?"*

i postupajući po aktu broj: 01-04-24618-3/23 od 30.05.2023. godine dostavljenom od Predsjedavajućeg Skupštine Kantona Sarajevo, a koji se odnosi na zastupničku inicijativu zastupnice Marijele Hašimbegović:

*"U ime građana upućujem inicijativu radi pokretanja postupka utvrđivanja broja porodica koje su ostvarile status raseljenih lica u KS kao i donošenje sistemskog rješenja raseljenih lica u KS radi ostvarivanja osnovnih ljudskih prava i u konačnici rješenja njihovog stambenog pitanja"*  
evidentno je da se zastupničko pitanje i zastupnička inicijativa odnose na istu problematiku, a vezano za trajno stambeno rješavanje interno raseljenih porodica u Kantonu Sarajevo, dostavljamo Vam odgovor u vezi navedenog zastupničkog pitanja i zastupničke inicijative, kako slijedi:



- Provjerom u bazama podataka sa kojima raspolaže ovo Ministarstvo, zaključno sa danom 10.07.2023. godine, utvrđeno je da je u Kantonu Sarajevo registrovana 101 porodica (278 lica) sa priznatim statusom raseljenog lica, tzv. interno raseljene porodice.

- Nakon što je Ministarstvo sredstvima iz Budžeta i uz pomoć međunarodnih humanitarnih organizacija uspjelo skoro u potpunosti obnoviti stambene jedinice interno raseljenim porodicama u Kantonu Sarajevo za koje su postojali uvjeti za pojedinačnu sanaciju, suočilo se sa problemom trajnog stambenog rješenja interno raseljenih porodica čije se prijeratne stambene jedinice iz objektivnih razloga nisu mogle obnavljati. Imajući u vidu pravo raseljenih porodica na povratak, odnosno na dom, ovo Ministarstvo je prvo sa Općinom Ilidža implementiralo zajedničke projekte izgradnje zamjenskih stambenih jedinica za određen broj interno raseljenih porodica, čije su se stambene jedinice nalazile u barakama ili drugim objektima kolektivnog stanovanja/zgradama koji se nisu mogli obnoviti. U vezi sa ovim pristupom izgradnje zamjenskih stambenih jedinica potpisani su generalni sporazumi kojim su definisane obaveze potpisnika. Ovaj vid saradnje i izgradnje zamjenskih stambenih jedinica se pokazao kao najefikasniji i najjeftiniji po Ministarstvo, tako da su na bazi ovakvih generalnih sporazuma na području Općine Ilidža izgrađene ukupno 54 stambene jedinice. Poučeni takvim pozitivnim iskustvom, sa Općinom Stari Grad su sklopljeni identični generalni sporazumi gdje je izgrađena zgrada na lokalitetu Vasin Han sa 9 stambenih jedinica i zgrada na lokalitetu Baruthana sa 11 stambenih jedinica.

- Kako bi se nastavilo sa trajnim stambenim zbrinjavanjem interno raseljenih porodica, Ministarstvo je pristupilo realizaciji sličnih projekata sa općinom Centar Sarajevo i općinom Novo Sarajevo.

- Trenutno je u završnoj fazi Projekat "Izgradnja objekta kolektivnog tipa stanovanja, lokalitet Šip, općina Centar za stambeno zbrinjavanje interno raseljenih porodica i porodica u stanju socijalne potrebe" sa 24 stambene jedinice. Do završetka realizacije ovog projekta preostalo je da se uradi vanjsko uređenje oko objekta i priključenje objekta na komunalnu infrastrukturu.

- Ministarstvo je prethodnih godina a i za ovu godinu u Budžetu planiralo sredstva za rješavanje trajnog stambenog zbrinjavanja interno raseljenih porodica sa područja općine Novo Sarajevo. Kroz predloženi projekat izgradila bi se zgrada sa 16 stanova u ul. Ivana Gorana Kovačića, te bi se riješio stambeni problem većeg broja raseljenih ruševinaca iz ove općine. Po informaciji iz općine Novo Sarajevo, trenutno se vodi upravni spor između općine Novo Sarajevo i građanina ove općine kojem bi smetala visina zgrade koja treba da se gradi.

Ministarstvo za rad, socijalnu politiku, raseljena lica i izbjeglice Kantona Sarajevo u skladu sa svojim nadležnostima i u skladu sa zakonskim propisima vrši sve neophodne radnje u cilju pomoći navedenoj populaciji u ispunjenju svih obima prava definisanim zakonskim i podzakonskim aktima, a sa posebnim segmentom na osiguranje smještaja za interno raseljene porodice, te je i kroz ovaj vid pomoći obezbijeden smještaj za 9 porodica u smještajnim kapacitetima ministarstva, dok se ne riješi njihovo stambeno pitanje. Većina ostalih porodica su smještene u alternativnim smještajima općina i Uprave za stambena pitanja.

Rješenja za ovu kategoriju su mapirana i predložena u Strategiji Kantona Sarajevo za period 2021-2027 godina.

Želimo istaći da se svake godine i dalje planiraju sredstva u Budžetu Kantona Sarajevo do konačne implementacije Aneksa VII Dejtonskog mirovnog sporazuma, odnosno do kada god postoji




potreba i osiguranje prava svim raseljenim licima i povratnicima, a među njima i interno raseljenim licima/ruševincima u cilju trajnog stambenog zbrinjavanja, ali na neke procese koji usporavaju i odlažu sve ove godine trajno stambeno zbrinjavanje naših interno raseljenih porodica, Ministarstvo nije moglo da utiče.

S poštovanjem,

Prilog: Spisak registrovanih interno raseljenih porodica u Kantonu Sarajevo

Pripremio: Zoran Jovetić, stručni savjetnik  
Kontrolisao: Edin Duraković, Šef Odjeljenja

Sekretarka ministarstva, Amira Gackić



Dostavljeno

1. Naslovu
2. a/a



Adresa: Reisa Džemaludina Čauševića 1, 71 000 Sarajevo  
Tel: + 387(0)33 562-089, Fax: + 387(0)33 562-090  
Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)

2/3